

# **ORATIO IMPERATA**

## **mahitungod sa hulga sa COVID-19**

O Dyos, among Amahan ,  
midangop kami kanimo diha sa among panginahanglan,  
nangayo sa Imong panalipod batok sa sakit nga COVID19,  
nga mihasi karun ug gani mikalas na ug mga kinabuhi.

Nangamuyo kami nga Imong giyahan ang mga tawo nga gitugyanan  
sa pagpangita ug tambal iini nga sakit  
arun masumpo na ang iyang pagpanakod.  
Panalipdi ang mga eksperto bahin sa panlawas  
arun padayon sila nga mag-alima sa mga masakiton  
inubanan sa kamaayo ug kamaloloy-on.

Nagampo kami alang sa mga naiigo niini nga sakit  
nga mahibalik sila dayon sa ilang maayo nga panglawas.  
Panalipdi sila nga nag-amoma nila.  
Ihatag ang dayon nga pagpahulay kanila nga mitaliwan na.

Hatagi kami sa Imong grasya ning' panahon sa kalisdanan  
arun padayon kaming magbudlay alang sa kaayohan sa tanan  
ug pagtabang sa mga nangihanglan.  
Nangaliyupo kami nga sumpoon na Nimo ang pagkatap ning maong virus,  
sa ingon mahanaw na usab kining among gihambing kahadlok.

Kini among gipangayo pinaagi kang Jesucristo nga among Ginoo,  
ug Imong Anak, nga buhi ug hari uban Kanimo ug sa Espiritu Santo,  
Dyos sa kahangturan. Amen.

Ubos sa imong panalipod, O santos nga Inahan sa Dyos,  
nagadangop kami. Ayaw tamaya ang among mga pangaliya.  
Hinooa luwasa kami sa mga katalagman,  
O mahimayaon ug bulahan nga Birhen. Amen.

*O Mahal nga Señora, Kaayohan sa mga Masakiton, iampo mo kami.*  
*San Rafael Arkanghel, iampo mo kami*  
*San Roque, iampo mo kami*  
*San Lorenzo Ruiz, iampo mo kami*  
*San Pedro Calungsod, iampo mo kami.*